

Ilinniartut Kalaallit Nunaata avataani ilinniartut naammasereermermi kingorna ukiut qulit angullugit Kalaallit Nunaannut uteqqittannginnerat kiisalu ilinniartut naammassereerlutik Kalaallit Nunaannut uteqqikkumasannnginnerannut pissutaasut pillugit misissuinissamut aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup kinguneranik uterartitsinissaq pillugu iliuusissamik pilersaarusiortoqassaaq, kalaallit ilinniartut naammassereerlutik Kalaallit Nunaannut uteqqittarnissaminnut kajumissuseqalernissaannut kammattuutaasussamik.

(Demokraatit Inatsisartunut ilaasortaataataat)

Akissuteqaat

(Inuussutissarsiornermut, Suliffeqarnermut Niuernermullu Naalakkersuisoq)

Aappassaanneerinnineq

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq, kalaallinik nunani allani ilinniareertunik tikisitsisarnerup iluani suleriaatsit maannakkut atuuttut taakkualu pitsanngorsarneqarnissaannut misissuisoqarnissaanut immikkoortumik 49-mik suliarinninnerannut, Naalakkersuisut qutsavigaat.

Nunani allani ilinniarneq amerlanertigut ilinniartut naammasereermermi kingorna utertannginnerannik kinguneqartarpoq, naak Kalaallit Nunaanni ilinniartuarsimasunik sulisussaaleqisoqaraluartoq. Pissutsit taakkua nassuiaammi matumani pineqartumi qulaajaavigineqassapput aamma pitsanngorsaavigineqassallutik.

Nassuiaatip tamatuma kingorna atorneqarnissaata pingaaruteqarnera ataatsimiititaliap erseqqissarpaa, tamannalu Naalakkersuisut taperserpaat.

Naalakkersuisut taamatut oqaaseqarlutik ataatsimiititaliap isumaqatigiittup siunnersuutaa Inatsisartunit akuerineqassasoq innersuussutigaa.